



Selasa, 16 Agustus 2022

*Ogen: Jesaya 61:1*



*Mberitakan Kebebasan*



**M**erdeka...merdeka janah ialoi merdeka... tapi lit deba ngaloisa alu merdeka. Uga bangsanta gundari enda? Lumayanlah! Maka bage? Lumayanlah erga minak sangana naik. Segala jenis minak kuidah naik, mulai minak goring, minak bensin, minak urut, minak nyong-nyong. Lumayanlah, isu SARA lako denga terdaya guna memecah-belah bangsa. Lumayanlah, koruptor nterem denga... Me labo merdeka? Me payo nge merdeka? Engkai maka bage? Aminna pe bangsanta enda igelari bangsa si eragama tapi Kesah Tuhan e la lit ibabonta. Si lit i je kesah upar, serigala, arimo si dahinna e me njerngem kalak sideban. Homo homini lupus (manusia serigala bagi yang lain) Kalak si idemi Kesah Tuhan maka idilo ia guna maba berita si mehuli (labo berita hoax, provokasi), pepalem kalak si getem pusuhna (labo erbanca kalak sakit hati), meritaken kebebasan man kalak si tertaban (labo nabani ia alu salah ras kelepakenna), janah kalak si terpenjara nggo banci ia ndarat. Langkah awal guna banci mbangun negeri enda e me kita la mementingkan kepentingan pribadinta nta kelompokta tapi si pelebe lah kepentingan Tuhan si nggo mereken negeri enda man banta guna si rawat bagi si ngena ateNa. Sura-sura Tuhanlah si pelebe i bas kegeluhenta maka banci merdeka ras sejahtera negaranta enda alu ncidahkan kebebasan si ertanggung jabap guna mbebaskan kalak sideban.

Janganlah pernah bermimpi untuk merdeka, ketika kalian sendiri malas untuk mewujudkannya! Kalimat enda mereken motivasi man banta gelah tetap erjuang guna kiniulin negara. Selaku rakyat si rulo melala banci si bahan ngisi kemerdekaan e umpamana, tutus ras ertanggungjaban ndahiken dahin si teptep wari, empebelin biak mejingkat, mehilu ras nggit nampati. Nggit erdiate man lingkungan sekelewet, pang dinging nggit ngeranaa kerna si payo.